

اتوار 15 مارچ، 2026

مضمون۔ مواد

سنہری متن: امثال 10 باب 22 آیت

”خداوند دی ہی برکت دولت دیندی اے تے اوہ اوہدے نال دکھ نہیں ملاؤندا۔“

جوابی پڑھائی: عبرانیوں 11 باب 3، 8، 10، 24، توں 27 آیتاں

3- ایمان نال ای اسی پتا کردے آں پئی جہان رب دے آکھن نال بنے نیں۔ ایہہ نہیں پئی جو کجھ دکھالی دیندا اے ظاہری شیواں نال بنیا اے۔

8- ایمان دے ای راہیں ابراہام جدوں بلایا گیا تے حکم من کے اوس تھاں نوں ٹر گیا جیہڑی میراث وچ لین والا سی تے بھانویں اوہ نہیں سی جان داپئی میں دکتھے جاناواں فیرووی ٹریا۔

10- کیوں جے اوس مضبوط شہر دا امیدوار سی جیہدا معمار تے بناؤن والا رب اے۔

24- ایمان پاروں ای موسیٰ نے وڈھے ہو کے فرعون دی دھی دا پتر اکھوان توں انکار کیتا۔

25- ایس لئی اوہنے پاپ دا چند روزہ مزہ لین دی بجائے رب دی امت نال بد سلوکی برداشت کرن نوں زیادہ پسند کیتا۔

26- تے مسیح واسطے لعن طعن اٹھان نوں مصدرے خزانیاں توں وڈی دولت جانیا کیوں جے اوہدی نظر اجر پان اُتے سی۔

27- ایمان پاروں ای اوہنے بادشاہ دے غصے توں نہ ڈر کے مصر نوں جھڈ دتا۔ ایس لئی پئی اوہ نہ دیکھے ہوئے نوں جیویں دیکھ کے ثابت قدم رہیا۔

درسی وعظ

بائبل وچوں

1- زبور 36 باب 7 توں 9 آیتاں

7- اے خداوند تیری شفقت کنسی بیش قیمت اے بنی آدم تیریاں باہواں دے پرچھاویں میٹھاں پناہ لیندے نیں۔

8- اوہ تیرے گھر دیاں نعمتاں توں خوب آسودہ ہون گے۔ توں اوہناں نوں اپنی خوشنودی دے دریا وچوں پیاویں گا۔

9- کیوں جے حیاتی دا چشمہ تیرے کول اے۔ تیرے نور دے پاروں اسی لو دیکھاں گے۔

2- زبور 139 باب 14، 15، 17 آیتاں

14- میں تیرا شکر کراں گا کیوں جے میں عجیب طریقے نال بنیاواں۔ تیرے کم حیران کرن والے نیں۔ میرا دل ایہہ چنگی طراں جان دا اے۔

15- جد میں پوشیدگی وچ بن رہی اسی تے دھرتی دے اسفل وچ عجیب طریقے نال مرتب ہو رہی اسی تے میرا قالب تیتھوں لکھیا نہیں سی۔

17- اے ربا! تیرے خیال میرے لئے کنسے بیش بہا نہیں۔ اوہناں دا اکٹھ کنہاں وڈھا اے؟

3- 2 سلاطین 4 باب 1 توں 7 آیتاں

1- تے انبیاء زادیاں دیاں بڈھیاں وچوں اک بڈھی نے ایشع اگے منت کیتی تے آکھن لگی پئی تیرا خادم میرا بندہ مر گیا اے تے تینوں پتا اے پئی تیرا خادم خداوند توں ڈرد اسی۔ تے ہن قرض لین والا آیا اے پئی میرے دونوں پتراں نوں لے جاوے تاں جو اوہ غلام بنن۔

2- ایشع نے اوہنوں آکھیا میں تیرے لئی کیہ کراں؟ مینوں دس پئی تیرے کول گھر وچ کیہ اے؟ اوہنے آکھیا تیری لونڈی دے کول گھر وچ اک پیالہ تیل دے علاوہ کجھ وی نہیں اے۔

3- تداوہنے آکھیا پئی تو جاتے باہروں اپنے گوانڈیاں کولوں پانڈے اُدھار لے کے آ۔ اوہ پانڈے خالی ہوون تے تھوڑے پانڈے نہ لیاویں۔

4- فیر تو اپنے پتراں نوں نال لے کے اندر جانویں تے مگروں بوہا بند کر لوں تے اوہناں سارے پانڈیاں وچ تیل پانویں تے جیہڑا بھر جاوے اوہنوں چک کے پاسے دھر لوں۔

5- فیر اوہ اوہدے کولوں ٹرگئی تے اوہنے اپنے پتراں نوں اندر نال لے کے بوہا بند کر لیا تے اوہ اوہدے کول لیاؤندے جانڈے سی تے اوہ تیل بھری جانڈی سی۔

6- جد اوہ پانڈے بھر گئے تے اوہنے اپنے پتراں نوں آکھیا میرے کول اک ہو پانڈا لیاو۔ اوہناں نے اوہنوں آکھیا ہورتے کوئی پانڈا نہیں اے۔ تدا تیل بند ہو گیا۔

7- تداوہنے آکے رب دے بندے نوں دسیا۔ اوہنے اوہنوں آکھیا جاتیل ویتج تے قرضہ واپس کرتے جیہڑا باقی بچ جاوے اوہدے نال توتے تیرے پتر گزارا کرو۔

4- امثال 3 باب 9، 10 آیتاں

9- اپنے مال نال تے اپنی ساری پیداوار دے پہلے پھلاں نال رب دی وڈیائی کر۔
10- اینج تیرے کھاتے واواہ بھرے رہن گے تے تیرے حوض نویں مے نال بھرے ہون گے۔

5- متی 4 باب 23 آیت

23- تے یسوع سارے گلیل ویتج پھر دارہیا تے اوہناں دے عبادت خانیاں ویتج تعلیم دیندا تے بادشاہی دی خوشخبری دی منادی کرداتے لوکاں دی ہر طراں دی بیماری تے نت کمزوری نوں دور کردارہیا۔

6- متی 5 باب 1 (تے جدء)، 2 آیتاں

1- تے جد بیٹھ گیا تے اوہدے چیلے اوہدے کول آئے۔
2- تے اوہ اپنی زبان کھول کے اوہناں نوں اینج تعلیم دین لگیا۔

7- متی 6 باب 19، 21، 24، 30، 34 (توں پہلی) آیتاں

19- اپنے لئی دھرتی اُتے مال اکٹھا نہ کرو جتھے کیڑا تے جنگل خراب کر دالے تے جتھے چور نقب لاکے چوری کر دے
نیں۔

20- بلکہ اپنے لئی اسمان اُتے مال اکٹھا کرو جتھے نہ کیڑا خراب کر دانه جنگل تے نہ او تھے چور نقب لاکے چوری کر دے
نیں۔

21- کیوں جے جتھے تیر مال اے او تھے تیر ادل وی لگیار ہووے گا۔

24- کوئی بندہ دو مالکاں دی سیوانسیں کر سکدا کیوں جے یا تے اک نال ویر رکھے گاتے دو جے نال پیار، یا اک نال ملیا
رہو وے گاتے دو جے نوں ناچیز سمجھے گا۔ تسی رب تے دولت دونواں دی سیوانسیں کر سکدے۔

25- اپنی جند دی فکر نہ کریو پئی اسی کیہ کھانواں گے یا کیہ پیواں گے؟ تے نہ اپنے بدن دی پئی کیہ پانواں گے؟ کیہ جند
خوراک توں تے بدن پوشاک توں ودھ کے نسیں؟

30- ایس لئی جد رب میدان دی کاہ نوں جیہڑی اج ہے اے تے کل تنور وچ ساڑی جاو وے گی اجیہی پوشاک پاؤندا
اے تے اے گھٹ ایمان والیو تہانوں کیوں نہ پاو وے گا؟

31- ایس لئی فکر کر کے ایہہ نہ آکھو پئی اسی کیہ کھانواں گے یا کیہ پیواں گے یا کیہ پانواں گے؟

32- کیوں جے ایہناں ساریاں شیواں دی تلاش وچ غیر قوماں رہندیاں نیں تے تہاڈا اسمانی پیو جان دا اے پئی تسی
ایہناں ساریاں شیواں دے متھاج او۔

33- بلکہ تسی پہلاں اوہدی بادشاہی تے اوہدی راستبازی نوں لہجھو تے ایہہ ساریاں شیواں وی تہانوں مل جان گیاں۔

34- ایس لئی کل دی فکر نہ کرو۔ کیوں جے کل دادن اپنے لئی آپ فکر کر لوے گا۔ اج لئی اج دا دکھ ای بوہت اے۔

8- 2 کرنتھیوں 5 باب 1 توں 9 آیتاں

- 1- کیوں بے اسی جان دے آں پئی جدوں ساڈا خیمہ دا گھر جیہڑا دھرتی اُتے اے سٹ دتا جاوے گاتے ساہنوں رب ولوں آسمان اُتے اک اجیہی عمارت ملے گی جیہڑی ہتھ دا بنیا ہو یا گھر نئیں بلکہ ابدی اے۔
- 2- ایس لئی اسی ایہدے وچ کراہنے آں تے وڈھی امید رکھدے آں پئی اپنے آسمانی گھر نال ملبس ہو جائیے۔
- 3- تاں جو ملبس ہوون دے پاروں ننگے نہ پائے جائیے۔
- 4- کیوں بے اسی ایس خیمہ وچ رہ کے بوجھ دے مارے کراہنے آں۔ ایس لئی نئیں پئی ایہہ کپڑے لاونا چاؤنے آں بلکہ ایہدے اُتے ہو رپاونا چاؤنے آں تاں جو اوہ جیہڑا فانی اے حیاتی وچ غرق ہو جاوے۔
- 5- تے جنسے ساہنوں ایس گل لئی تیار کیتا اوہ رب اے تے اوہنے ای روح بیجانے وچ دتی۔
- 6- ایس لئی ہمیشہ ساڈی خاطر جمع رہندی اے تے ایہہ جان دے آں پئی جدوں تیکر اسی بدن دے وطن وچ آں خداوند دے وطن توں جلا وطن آں۔
- 7- کیوں بے اسی ایمان اُتے اُتے آں نہ پئی اکھیاں دے دیکھے اُتے۔
- 8- ایس لئی ساڈی خاطر جمع اے تے ساہنوں بدن دے وطن توں وکھ ہو کے خداوند دے وطن وچ رہنا بوہتا منظور اے۔
- 9- ایسے پاروں اسی ایہہ حوصلہ رکھدے آں پئی وطن وچ ہوئیے بھانویں جلا وطن اوہنوں خوش کریے۔

9۔ کلسیوں 3 باب 1، 2 آیتاں

- 1- ایس لئی جدوں تسی مسیح دے نال جوائے گئے تے اگلے جہان دیاں شیواں نوں لبھدے رہو و جتھے مسیح موجود اے تے رب دے سچے پاسے بیٹھا اے۔

2۔ اگلے جہان دیاں شیواں دے خیال وچ رہو ونہ پئی دھرتی دیاں شیواں دے۔

10۔ رومیوں 8 باب 28 آیت

28۔ تے ساہنوں پتاے پئی ساریاں شیواں رل کے رب دے نال پیار کرن والیاں لئی بھلیائی پیدا کر دیاں نیں یعنی اوہناں لئی جیہڑے رب دے ارادے دے مطابق بلائے گئے نیں۔

سائنس تے صحت

1۔ 24-16:468

سوال۔ مواد کیہ اے؟

جواب۔ مواد اوہ اے جیہڑا بدی اے تے نیست ہوون تے مخالفت توں بچیا اے۔ سچائی، حیاتی تے پیار مواد نیں، جیویں پئی کلام عبرانیوں وچ ایہہ لفظ استعمال کردا اے: ”ایمان اُمید کیتیاں ہوئیاں شیواں دا اعتماد تے نہ ویکھیاں جان والیاں شیواں دا ثبوت اے۔“ روح، جیہڑی سیان، جان یارب لئی دو جا لفظ اے کلا ای اصلی مواد اے۔ روحانی کائنات جیدے وچ انفرادی انسان وی شامل اے، اک اکٹھا خیال اے، جیہڑا روح دے الہی مواد دپر چھانو اے۔

2- 8:4:516

مواد، حیاتی، ذہانت، سچائی تے پیار جیہڑے رب نوں بناؤندے نیس، اوہدیاں بنائیاں ہوئیاں شیواں توں منعکس ہندے نیس؛ تے جدوں اسی بدنی حساں دی جھوٹی گواہی نوں سائنسی حقیقتاں دے میٹھاں کر دیندے آں، تے اسی ایس اصلی مشابہت تے پرچھانویں نوں ہر پاسے ویکھاں گے۔

3- 124:14-19، 25-26 (توں پہلی۔)

سنسار نوں، انسان وانگر، ایہدے الہی اصول، رب، ولوں سائنس دے راہیں واضح کیتا جانا چاہیدا اے، تے فیر ایہنوں سمجھیا جاسکدا اے، پر جدوں ایہنوں بدنی حساں دی نیوں اُتے واضح کیتا جاند اے تے بڑھوتری، بالخی تے زوال دے میٹھاں ہندیاں ہوئے پیش کیتا جاند اے، تے سنسار، انسان وانگر، اک معممہ بن جاند اے تے ایہنوں جاری رکھنا چاہیدا اے۔

روح ساریاں شیواں دی حیاتی، مواد تے لگاتاری اے۔

4- 22-4:278

روح الہی سائنس دانیا ہوئیا کلاہ مواد تے شعور اے۔ مادی حساں ایہدی مخالفت کر دیاں نیس، پر ایہتھے کوئی مادی حساں ہے ای نیس کیوں جے مادے وچ سیان نیس اے۔ روح وچ کوئی مادا نیس اے، ایہتھے تیکر پئی جیویں سچائی وچ کوئی

غلطی نہیں، تے چنگیائی وچ کوئی بریائی نہیں اے۔ ایہہ اک جھوٹا مفروضہ، خیال اے پئی ایہتھے کوئی مادی مواد، روح دا مخالف اے۔ روح، رب، لا محدود، سب کجھ اے۔ روح دا کوئی مخالف نہیں ہو سکدا۔

بشر دے جھوٹے عقیدیاں وچوں اک ایہہ اے پئی ماد اصلی اے یا ایہدے وچ احساس یا حیاتی اے، تے ایہہ عقیدہ بس اک فرضی فانی شعور وچ موجود ہندا اے۔ ایس لئی جدوں اسی روح تے سچیائی تیکر رسائی پانے آں تے اسی مادے دا شعور گوا دینے آں۔ ایس گل دے اعتراف لئی پئی کافی مواد ہو سکدا اے اک ہو ورا اعتراف دی لوڑ اے، یعنی پئی روح لا محدود نہیں اے تے ایہہ پئی ماد خود تخلیقی، خود موجود، تے ہمیشہ رہن والا اے۔ ایہدے نال ایہہ گل سامنے آؤندی اے پئی ایہتھے دو ہمیشہ دیاں وجہ نیں، جیہڑیاں ہمیشہ اک دو جے دیاں متخار رہندیاں نیں؛ فیروسی اسی ویکھدے آں پئی روح اعلیٰ تے ہر تھاں موجود اے۔

5- 29-17:301

جیویں پئی رب اصل اے تے انسان الہی شکل و صورت اے، تے انسان نوں صرف چنگیائی دے اصل، روح دے اصل نہ پئی ماد دے دی خواہش رکھنی چاہیدی اے تے حقیقت وچ اتخ ای ہو گیا اے۔ ایہہ عقیدہ روحانی نہیں اے پئی انسان دے کول دو جامواد یا سیان اے، تے ایہہ پہلے حکم نوں توڑدا اے پئی توں اک رب، اک سیان نوں منیں۔ مادی انسان اپنے آپ نوں مادی وکھالی دیندا اے، جد کہ انسان ”شبیہ“ (خیال) اے۔ فریب نظری، پاپ، بیماری تے موت مادی فہم دی جھوٹی گواہی توں جنم لیندے نیں، جیہڑی لا محدود روح دے مرکزی فاصلے توں باہر اک فرضی نظریے توں سیان تے اصل دی مڑی ہوئی تصویر پیش کردی اے، جیدے وچ ہر شے اتوں لے کے بیٹھاں تیکر چٹھی ہوئی ہندی اے۔

6- 12-5:530

الہی سائنس وچ، انسان رب یعنی ہستی دے الہی اصول دے پاروں قائم رہہندا اے۔ دھرتی، رب دے حکم تے، انسان دے ورتن لئی خوراک پیدا کر دی اے۔ ایہہ جان دیاں ہوئے، یسوع نے اک واری آکھیا، ”اپنی جند دی فکر نہ کریو پئی اسی کیہ کھاواں گے تے کیہ پاناواں گے،“ اپنے خالق دا استحقاق فرض کر دیاں ہوئے نئیں بلکہ رب جیہڑا ساریاں داپوتے ماں اے، اوہنوں سمجھیاں ہوئے پئی اوہ پنج ای انسان نوں خوراک تے کپڑے فراہم کرن دے قابل اے جیویں اوہ سوسن دے پھلاں نال کر دالے۔

7 - 19-10:494

الہی پیار نے ہمیشہ انسان دی لوڑنوں پورا کیتا اے تے ہمیشہ پورا کرے گی۔ ایس گل دا تصور کرنا ٹھیک نئیں پئی یسوع نے بس کجھ خاص تعداد وچ یا تھوڑے جیسے ویلے تیکر شفا دین لئی الہی طاقت دا مظاہرہ کیتا، کیوں جے الہی پیار سارے لوکاں لئی ہر ویلے سب کجھ دیندا اے۔

فضل دا معجزہ محبت لئی کوئی معجزہ نئیں اے۔ یسوع نے مادیت دی نااہلیت نوں اوہدے نال نال روح دی لامحدود قابلیت نوں ظاہر کیتا، پنج غلطی کرن والے انسانی فہم نوں خود دیاں سزاواں توں بچن تے الہی سائنس وچ تحفظ لبھن وچ مدد دیتی۔

8 - 30:204 (عقیدہ)۔6

ایہہ عقیدہ پئی رب مادے وچ رہند اے شرک اے۔ اوہ غلطی جیہڑی آکھدی اے پئی روح بدن وچ اے، سیان مادے وچ اے، تے چنگیائی بدی وچ اے اوہنوں اپنے ایہہ لفظ واپس لینے چاہیدے نیں تے اجیہیاں گلاں توں پرہیز کرنا چاہید اے؛ نیں تے رب انسان توں لگیار ہنای جاری رکھے گا تے انسان ایہہ جانن توں بغیر ای پئی اوہ پاپ کر رہے نیں پاپ کردے رہن گے، روح دی بجائے مادے وچ دھیان کرن گے، لنگڑے پن نال ڈگمگاؤن گے، نشے وچ ڈگ پین گے، بیماری نال فنا ہون گے تے ایہہ سب کجھ اوہناں دے انھے پن، رب تے انسان دے بارے اوہناں دی جھوٹی سمجھ دے پاروں ہووے گا۔

9- 29-3:60

جند وچ لا محدود وسائل نیں جنساں توں انسان نوں برکت دینی ہندی اے تے خوشی ہووے آسانی نال حاصل کیتی جاؤندی اے تے ساڈے قبضہ وچ ہووے محفوظ رہوے گی، جے جند وچ تلاش کیتی جاوے گی۔ صرف بلند لطف ای لا فانی انسان دے نقوشاں نوں تسلی بخش بنا سکدے نیں۔ اسی ذاتی فہم دیاں حداں وچ خوشی نوں محدود نیں کر سکدے۔ حواس کوئی اصلی لطف عطا نہیں کردے۔

10- 1:280 صرف، 6-8، 4-30

سیان دی لا محدودیت وچ، مادہ یقیناً گواچیا ہووے گا۔۔۔ سیان اوہناں نوں بناؤندی تے ودھاؤندی اے، تے ایہہ پیداوار ذہنی ہندی اے۔

انسان دے خیالاں اُتے دھیان دین تے ہستی دی سائنس نوں رد کرن دا صرف اک ای بہانہ روح بارے ساڈی بے خبری اے، اوہ بے خبری جیہڑی صرف الہی سائنس دی سمجھ نوں من دی اے، اجیہی سمجھ جیدے پاروں اسی دھرتی اُتے سچائی دی بادشاہت وچ وڑھ دے آں تے ایہہ سکھدے آں پئی روح لا محدود تے بوہت اُچی اے۔

11- 21-11:519

انسانی صلاحیت، ایہدی روحانی شروعات نوں ظاہر کر دیاں ہوئے، رب دی تخلیق تے اوس قوت تے حضوری نوں سمجھن تے جانن لئی ہولی اے جیہڑی ایہدے نال اُردی اے۔ انسان لا محدود نوں کدی نہیں جان سکدے جد تیکر پئی اوہ پرانی انسانیت نوں لاء نہیں دیندے تے روحانی شبیہ تے صورت تیکر نہیں اُڑدے۔ لا محدودیت نوں کون ناپ سکد اے! رسول دی زبان وچ، اسی اوہ اقرار کیوں کر سکدے آں جد تیکر ”اسی سارے رب دے پتر دے ایمان تے اوہدی پچھان وچ اک نہ ہو جائیے تے کامل انسان نہ بنیے یعنی مسیح دے پورے قد دے اندازے تیکر نہ اُڑ جائیے“؟

12- 15-3:265

جیویں جیویں سچائی تے پیار دی دولت ترقی پاندے نیں انسان اوسے تناسب نال روحانی وجودیت نوں سمجھد اے۔ انسان نوں رب ول متوجہ ہونا چاہید اے تے اوہناں دے مقصد تے احساس روحانی ہوون گے، اوہناں نوں ہستی دیاں تشریحاں نوں ترقی دے نیڑے لیا ناچا ہیدا اے، تے لا متناہی دا مناسب ادراک پاؤ ناچا ہیدا اے، تاں جو پاپ تے فانیٹ نوں ختم کیتا جاوے۔

ہستی دا ایہہ سائنسی فہم، روح دے مادے نوں ترک کر دیاں ہوئے، کسے وسیلے دے بغیر الوہیت وچ انسان دے رُکھے پن تے اوہدی شناخت دی گمشدگی دی صلاح دیندا اے، پر انسان اُتے اک وسیع تر انفرادیت نچھاور کر دالے، یعنی اعمال تے خیالاں دا اک وڈھا دائرہ، وسیع پیارتے اک اُچا تے ہووے مستقل امن عطا کر دالے۔

13- 19-15:264

جدوں ساہنوں ایہہ احساس ہو جاندا اے پئی حیاتی روح اے، نہ کدی مادے دا تے نہ کدی مادے وچ، ایہہ ادراک رب وچ سب کجھ چنگا پاندیاں ہوئے تے کسے دو جے شعور دی لوڑ محسوس نہ کر دیاں ہوئے، آپ کمالیت ولوں وسیع ہووے گا۔

روزانہ دے فرض

میری بیکرا ایڈی ولوں

روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے؛“ الہی سچائی، حیاتی تے پیار دی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار نوں ودھاوے، تے اوہناں اُتے حکومت کرے۔

چرچ مینوئیل، آرٹیکل VIII، سیکشن 4۔

مقصداں تے کماں دا اک اصول

بائبل دا ایہہ سبق پلین فیلڈ کرچن چرچ، آزاد ولوں تیار ہو یا۔ ایہہ کنگ جیمز بائبل ویاں آجتاں تے میری بیکرا ایڈی دی لکھی ہوئی کرچن سائنس دی درسی کتاب، ”سائنس تے صحت آجتاں دی کنجی دے نال“ وچوں لیاں ہوئیاں لازمی تحریراں نال نیاں۔

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصد اں یا کماں اُتے اثر نہیں کرنے چاہیدے۔ سائنس وچ، بس الہی پیار ای حکومت کردا اے، تے اک مسیحی سائنسدان پاپ نوں رد کردیاں ہوئے، سچی پراہ بندی، خیرات پسندی تے معافی نال پیار دیاں مٹھیاں سچیاں داپر چھانواں بن دا اے۔ ایس چرچ دے سارے رکن اں سارے پاپاں توں، غلط طراں دیاں پیشین گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہید اے تے دعا کرنی چاہیدی اے۔

چرچ مینوٹیل، آرٹیکل VIII، سیکشن 1۔

فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں اوہدا انصاف ہووے گا، اوہ بے قصور یا قصور وار ہووے گا۔

چرچ مینوٹیل، آرٹیکل VIII، سیکشن 6۔